

# Timou ki nan Fanmi Dakèy nan WIC

## FANM, TIBEBE AK TIMOUN

### Kisa Pwogram WIC a ye?

WIC se yon pwogram nitrisyon pou tibebe ak timoun ki gen pi piti pase 5 lane ak pou fi ki ansent, k ap bay tete oswa ki pa gen lontan depi l te ansent. WIC bay bagay sa yo, gratis:

- Manje ki fòtifyan, ki bon pou lasante.
- Edikasyon ak konsèy sou nitrisyon.
- Sipò nan alètman.
- Oryantasyon pou moun rive jwenn swen sante ak sèvis kominotè yo.

Paran fanmi dakèy k ap okipe yon timoun ki gen pi piti pase 5 lane, fi ki ansent oswa ki pa gen lontan depi l te ansent, epi k ap viv Florida, ta dwe aplike pou WIC. Timoun ki nan fanmi dakèy yo elijib pou jwenn revni WIC la otomatikman.

### Fason pou w Aplike pou WIC pou yon Timoun ki nan Fanmi dakèy

Rele biwo lokal WIC ou a pou w pran yon randevou pou sètifikasyon. Lè w rive nan randevou a, yo pral mande pou w bay dokiman sa yo:

- **Idantifikasyon Paran Fanmi Dakèy la (yo).**
- **Yon lèt plasman/yon dokiman tribinal la bay ki moutre yo te plase timoun nan nan fanmi dakèy la ansanm ak non paran fanmi dakèy la(yo).** Y ap aksepte lèt plasman an kòm yon dokiman idantite timoun ki nan fanmi dakèy la ak prèv rezidans la si l gen non timoun nan ladan l ak kote yo plase timoun nan nan yon adrès nan Florida. Si enfòmasyon sa a pa nan lèt plasman an, y ap mande w pou w bay lòt dokiman idantite ak prèv rezidans timoun ki nan fanmi dakèy la.
- **Nenpòt dokiman medikal timoun nan**, menm demand alekri ki te fèt pou manje espesyal oswa pou melanj pou tibebe.

Si timoun nan ap patisipe aktyèlman nan WIC epi yo voye l nan yon fanmi dakèy, kontakte biwo lokal WIC ou a pou w ka chanje enfòmasyon ki sou kont timoun nan ki gen pou wè ak kote yo te plase l la. Yon resètifikasyon WIC pa nesèsè pou pèmèt yon timoun soti nan yon kote yo te plase l pou l al nan yon lòt. Asire w, ou enfòm biwo WIC la si timoun nan chanje plasman oswa si li pa nan fanmi dakèy ankò.

### Ak kisa ou dwe Atann ou nan Randevou ou genyen ak WIC a

Nan randevou sètifikasyon an, anlwaye WIC yo pral:

- Revize dokiman ou yo.
- Mande w enfòmasyon tankou adrès ou, nimewo telefòn ou, ak si w ta renmen pou yo ajoute lòt moun pou ede w.
- Mande w enfòmasyon demografik tankou edikasyon, ras, orijin etnik. Sa a se sèlman pou zafè estatistik epi li pa gen okenn efè sou elijibilite.
- Refere w pou w ale kote ki gen sèvis kominotè ak swen sante yo.
- Peze epi mezire timoun nan.
- Mande w bagay ki gen pou wè ak istwa medikal ak nitrisyonèl timoun nan, epi diskite sou fason timoun nan ap grandi, sou sa l abitye manje, ak sou bezwen nitrisyonèl li yo.
- Ede w fikse yon objektif nitrisyonèl pou timoun nan epi swiv pwogrè k ap fèt yo.
- Revize epi adapte kit alimantè WIC bay yo ak bezwen timoun nan.
- Bay yon kat WIC EBT epi diskite sou kou-man/ki kote yo itilize l.
- Mete soti youn(1) jiska twa(3) mwa avantaj alimantè sou kat WIC EBT a, selon dat pwochen randevou a pwograme a.

